

**FIFTH MIZORAM LEGISLATIVE ASSEMBLY  
( THIRD SESSION )**

**LIST OF BUSINESS**

**FOR FIRST SITTING ON WEDNESDAY, THE 7<sup>TH</sup> JULY, 2004.  
( Time 10:30 A.M TO 1:00 P.M AND 2:00 P.M TO 4:00 P.M )**

**SPEAKER** at the Chair, Chief Minister, 11 Ministers and 27 Members were present.

**QUESTIONS**

1. **QUESTIONS** entered in separate list to be asked and oral answers given.

**LAYING OF PAPER**

2. **PU H. RAMMAWI** to lay on the Table of the House The Mizoram Legislative Assembly (Member's Death Gratuity and Family Pension) (Amendment) rules, 2004.
3. **PU R.TLANGHIMINGTHIANGA** to lay on the table of the House The Orphanages and other charitable Homes (Supervision and control) Rules, 2003.

**PRESENTATION OF REPORT**

4. **THE SPEAKER** to report to the House the time table as chalked out by the Business Advisory committee for the current session.
5. **PU LALHMINGTHANGA** to present to the House the first Report of Rules Committee.
6. **PU D.THANGLIANA** to present to the House the First Report of committee on Government Assurance.
7. **PU LIANSUAMA** to present to the House The First Report of Committee on Subordinate Legislation.

**ELECTION TO DEPUTY SPEAKER**

8. **MEMBERS** to elect Deputy Speaker.

SPEAKER : " In zinga ropui ber chu in rawngbawltuah a awm zawk tur a ni. Tupawh inngaihlu apiang an tlawm ang a, tupawh inngaitlawm apiang chawimawiin an awm ang . "

Mathaia 23 : 11-12.

Zawhna hmasa ber zawttu tur Pu R. Lalzirliana kan sawm hmian thil pahnih kan hriat tawhsa han sawi tulin ka hria a. (1) Hei Mobile Phone te kan nei ve ta nual hlawm a, amaherawhchu House chungah hian kenluh phal a nilo tih kha ka sawi nawn leh duh a, hei hian Public Gallery-te, Press Gallery te, Official Gallery te pawh a huam vek a ni tih kha hre nawn leh ila a tha ang e. (2) GPC in kan rel tawh thil pakhat, zawhna Supplementary Question zawhbelh chungchangah, zawhbelh hi pathumah tih hram hram i tum ang kan tih kha kan vaiin hre thar leh ila a tha awm e. Awle, zawhna kan la ang a, zawt turin Pu R. Lalzirliana ilo sawm ang u.

PU R. LALZIRLIANA : Pu Speaker, ka lawm e. Ka zawhna Starred Question pakhatna, Minister zahawm tak, Agriculture changtu chhan a tan :

- (a) Mizoram State hi "Organic State" ni tura puan tumna hi a awm tak tak em ?
- (b) A awm tak tak anih chuan engtika puan tum nge a nih ?
- (c) "Organic State" hi ni dawn ta ila, Agriculture Department in fertilizer, pesticides, insecticides, weedicides lei tawh loh tumna a nei em ?
- (d) Chutiang lei tawh loh a tum anih chuan Budget lamah hian chutiang tak chuan a lan tir em ? tih ka zawt e.

SPEAKER : A chhang turin Agriculture Minister Pu II. Rammawi ilo sawm ang.

.....3/-



PU H. RAMMAWI  
MINISTER

: Pu Speaker, zawhna (a) chhanna kha Mizoram State hi 'Organic State' ni tura puan tum a ni tih a ni. (b)-na chhanna chu 'Organic State ni tur hian hmalak mek a ni. Inbuatsaihate peihfel anih veleh puan a ni ang. (c) Fertilizers, pesticides, insecticides leh weedicides te hi Organic farming a hman theih a chi an awm a. Chungte chu lei chhonzawm zel a ni ang. Tin, (d)-na chhanna chu Organic State-a hmantur chi lei chhonzawm zel tum a nih avangin lei tawh loh tumna Budget ah lantir a ni lo.

PU R. LALZIRLIANA

: Pu Speaker, organic state ni tur hian kan ram hi chu a ni sa a ni lawmawni le tih theih a ni a. Mahse hmannah Champhaiah kan han kal a, Society hruaitute chuan leilet atana an hman Fertilizer MOP tihte DAP tihte an zawrh kha Agriculture Department-in permit in nei em ni? Zuar tawh suh se an ti a. An hotute chu an lungngai viau a. Hetianga organic state nih tum avanga kan hotuten hetia min tih mai chuan kuminah buh kan thar tha dawn lo a ni an ti a. Ilei hi hetiang aia a thlakna Champhaiah emaw hmun dangah emaw Agriculture Department hianin a pe thei dawn em ni ?

Pahnihnaah chuan, Sihphir huan neitute hnenah hian leitha Agriculture Department atangin June 22 khan pek a ni a. (lakchhuah a ni a) Hei hi an sawidan chuan bialtu MLA tlin lawm nan tiin MNF huan neitute chauh kha an sem an ti a, Contract hnate Party a an lo induhsak anih hi chuan a hriatthiam theih viau e. A neitute an ni a, tuman an thik lova. Mahse, hetiang lo leh huan neitu te hnen zela hleih neihna tenawm tak mai lantir a ni zel hi Agriculture Minister hian tih reh a tum ang em? tih ka z awh belh duh a.

Tin, chutiang ang han sawi zawmna ah chuan ei leh bara intodelh kan Chief Minister in a tum kha lawmawm kan ti a. Amaherawh chu, vawiin niah hetiang anga Mizo mipui za sawmthum chauh MNF an ni a an intodelh hian kan ram hi ei leh barah a intodelh dawn chuang em ni tih kha ka zawt tel duh a ni.

PU LALHMINGTHANGA : Pu Speaker, ka lawm e, kan Minister in a a Statement siamah khan, Mizoram State chu organic state-ah puan tum a ni tih a tawiah khan lawmawm kan ti em em mai a. Amaherawh chu, hemi ti tur hian eng angin nge buaipui an tum. Entirnan, North East-a thingpui chingtu farm ropui tak ho te hi chuanin Supply variety chingtu te hi chuanin organic manual a hi siamna te an din a, ti khan proprieties items ang deuh te pawn an kalpui a ni a, kan sorkarin organic state a puang tur hian lo ti dawn ta ang se raw-materials ah hian chuan kan ngah mai a. Amaherawhchu, tunlai khawvel ah hian privatisation a lar cm cm a, khati zawng a hma han la tur khan sorkar in Department in tih a tum nge public undertaking lamin tih a tum nge organic fertilizer siamna a kha private enterprise in a ti dawn, chulaia chu sawifiah theih nise a bengvar thlakin ka ring.

Tin, Delhi kan kal khanin Chemical and fertilizers Minister hnenah pawh khan heng proposed hi kar han theh lut ve ringawt a chuangin chiang zawk a hriat a chakawm a, chulai chu chiang zawkin min hrih thei se a lawmawm ngawt ang.

PU H. LIANSILOVA : Pu Speaker, ka lawm e. Ka zawh belh duh chu. Hei organic state a puan hi hmasawna tha tak a nih pawh ka ring a. Amaherawhchu, hei tunah a thawm te kan hre tan a puan ve mai theih turin. Dan te pawh ruahmanna a kal mek ni te pawhin kan hria a. Kan state hi Organic state ah puan anih hma hianin eng angin nge kan Sorkar hianin ati hlawhtling turin tan a lak tih kha kan zawt duh a. Tin, chutianga hmalakna chu eng te nge ni ? Tin, pathumna ah chuan India ramah hian a state Organic state a in puang emaw, hma la tawh an awm em ? tih kan zawt duh ani.

SPEAKER : A chhang turin Pu H. Rammawi i sawm mai ang aw.

PU SAIKAPTHIANGA : Ngawirawh Pu Speaker tawite chauh pakhat aw. Tunlai hian Zoram leilet neitu te zingah leilet nei area - ah Agriculture Depart-



ment hian buhchi a sem a, a lawmawm khawp mai a. Henghi leilet nei te chauh dawn tur nge ? Party a mi pawimawh te leilet nei kher lo tepawhin dawn tur tih kha kan zawt duh a. Leilet buhchi dawng hi an dawn zat leh a dawngtu te hming kan Agriculture Minister zahawm tak hirawn pe ta ila action ala thei angem ?

SPEAKER :

Pali lai kan ti ta a, Pu Andrew a kha, nia kan rel hi kan bawhchhiat chuan keimahni kha a mawphurtu tur kan ni ang a.

PU ANDREW LALHERLIANA :

Pu Speaker, kan zawhbelh duh dan chu hei ni 12 May khanin Sap Chanchinbu Telegraph ah khan Mizoram pumpui Organic State a puan tumna chungchang thu kha arawn chhuak a. Expert in a theih lol. thu leh a awihawmloh thu kha arawn ziaak vak mai a ni. Hmundanga an lo tihdanah pawh hian a small scale deuh hlek hian an tan a. An state pumpui tih mai hi hlawhchham sa turah an ngai deuhin arawn sawi a, he Organic State-a kan puan dawn hianin mithiamte kan ruai nge ni ? Kan pawng sawi ve tawp mai tih kha kan zawt duh deuh a ni. A chhan chu helaiah hian a expert hovin an nuihzat deuh hlek a, arawn sawi avang khan, chu chu kan zawt duh a ni e.

PU H. RAMMAWI  
MINISTER :

Pu Speaker, a hmasa berah Pu Zira zawhbelhna kha Champhaiah khan farmer association bik ho an awm a. Kha khanin DAP anmahnin a hrangin an lo lei a. Kan hre lova. A chhan chu organic farming akal kan rilruk avang hian Department lam chuanin kan procure tawh lova. Bio-fertilizer leh organic manure-a kan kal tam avangin. Tahchuan an lei tih kan hria a. Engpawhnisela khapna order hi tunah hian kan la siam rih lo a ni. Kan tum thu hi kan tlangzarh a. Public reaction te pawh kan ngaichang a. Organic State ah pawh kan la puang lova. Khatiang khan hma kan la tan chauh a ni a. Chutah chuan engpawhnisela, a bik takin Champhai area khi Grape te, sapthei te kan chinna area anih avangin nakinah organic-a kan kal hunah ram pumpui vawikhata tih chi a ni lova. Area-wise a certifying agency te rawiha a area-wise a certify tur anih avangin hmun dangah an hmang palh ang tih kan hlau a. Sapthei, grape chingtute phei chu tha takin kan in hrilh a, engpawhnisela DAP lei kha leiletah chauh lo hmang hram teh u tiin kan in chah ani. Chu chu kan inhrilh a, anni pawh an fimkhur a, leilet buh chingtute tan bik khan an lo pe tihtc pawh information kan dawng a.



Tin, chu chauh a ni lova, Sihphir chungchang kha Sihphirah hian reaction kan dawng a ni. A chhan chu DAP hi an duh tlak mai a, urea te, DAP te hi an lo hmang nasa a, iskut chingtu association te nen pawh vawihnih vawithum kan inhmu a, an lo hmang nasa a ni. Chu chu vawi leh khata tiktawp chuan an iskut kha a hnah chauh a tha ang a, a duah hluah ang a, a rah dawn silova, chawp leh chilha alternative keini kan lo in ring hman tawh bik silova, churang chuan Sihphir iskut chingtute phei chu strict deuhin condition fel tak neiin a dang kan dap hman silova, kumin chuan hei chauh hi an lo tih angai a, fimkhur takin hmun dang reng renga chhuah lo turin in ti dawn nia kan in ti a ni. Anmahni pawhin hmun danga chhuak chi a ni hlei nem keimahni pawh kan in duhtawh lo ang tih kan hlau zawk alawm an in ti a. MNF leh Congress party a ni lo. A Association lam hotute kha an mangang a, vawihnih vawithum kan inhmu a. (Pu R.Lalzirliana a lo tawng a).

Pu Speaker, khalam kha kan rilru ah a lang lova, Association ho kha an lo kal a, Association te nen indawr kan ni a, Association fel tak an awm a. Market ah pawh Sihphir hi entawntlak an ni a. Association an fel a market-ah pawh problem an nei lova.

PU R. LALZIRLIANA :

kha a dik ka ti mai a ni.

Pu Speaker, khatiang zawnga hotuten intih chuan in Iskut chingtute tan hian a beidawntlak viau a ni. Party ringawt mai tih

PU H. RAMMAWI  
MINISTER :

hrang te pawh an awm turah khan ngai ila. A chingtu zawng zawng tan khan a nia kan ngaih tuah chu chu nisela. Tin, an mahni pawh ka hrilh tlanga DAP an hmante hi chu thalo tak a nia. Hei hi kan tum chhan pawh a ni a, a leh pekah chuan Alternative Arrangement kan ngaih tuah sak theih kan ring a, kum leh ah chuan.

Pu Lalhmingthanga zawhna kha, Mizoramah hian keimahni hian tam tak hi chu kan siam thei a. Tah hian engmah hmalakna kan nei hloh vangin, a sawi ang chiah khan kan tum dan chuan Sawrkar anga kalpui chuan kan hlawhtling dawn lova, privatised a forum fel deuh te. Tin, unemployment solve na te pawh a ni ang a, tih ngaihtuahna kan nei a, sawi pawh kansawi ho tawh a, chumi thlang tur chuan tunah hian kan rilruah privatised lam kha kan hawi. Tin, a that pawh kan ring a, tin quality maintain pawh kha a awl zawk kan ring a, chu chu nisela. Tin, Pu Liansailova zawhna kha, hma lak tum dan tih kha, nichina kan sawi ang khan a Mizoram

...7/-

....7/-

pumpui hi vawi leh khat a tih chi a ni lova, nakinah a bik te kan rawn siam ang a, kan theih chuan, siam lo pawh hian kan tum dan chu area wise in, a pocket wise in Certifying agency te khan in an certify ang a. Pu Speaker, fimkhur viau a ngai a, a chhan chu internationaly acceptable agency kan thlan fuh a ngai a ni. Fimkhur viau a ngai ang, khami te khan in an certify ang a area bik kha an certify dana pawh hi a thlai chauh pawh nilo a leilung te test vek a, tah tak hianin Chemical Fertilizer hi leiah hian a cham rei si a, detect a theih zel a ni si a.

Chuvang chuan conversion period an ti a, chung pawh chu kum 2,3 te hi an tih dan phung pangngai a ni reng a ni. Tin, Pu Saikapthianga zawhna kha, a dawng zat kha chu min han pe reng reng sela tlawmngai sela, a list kha lo hmuh reng reng kha chu ka duh, information ka la dawng lova khalam kha khawngaihin min pe hram se tih kan duh a. Tin Pu Andrew Lalherliana zawhna expert ten thil theihloh a ni tih kha, a awm khawp mai. Pu Speaker, expert te hi an expert-na hi chi hrang hrang a awma. Thirideng thiam tak hian furniture siam te hi an thiam bik lova. tiang deuh khan India ram hi kan zauva, tun tumah pawh Union Minister nena kan inkawmna ah chuan engtingge in tih theih ang min ti, India Agriculture Minister nena kan inkawmna ah engtin nge in tih theih ang an ti. A sawidan kha a dika kan han hrihfhiah chuan anih tak chu ati. Mi state ah chuan Chemical Fertilizer lo chuan an che thei tawhlo ani. India ram hian Chemical tello chuan an tih dan phung a kha a ni lova. Keini Mizoram ah chuan chemical hmanve chu tlem te ani. West Bengal-ah pawh tunah hian an ti ve nasa. Kan ram ang hi an awm vak lo. Chu chu an dinhmun a ni. Kan tumna chhan hi Pu Speaker, Organic farming tih hian fertilizer tello a kal tumna emaw kan ti palh ang tih ka hlau a. Fertilizer hi chu kan hmanng zel dawn, kan ramah hian chemical fertilizer a tur hi tihbo tum a ni. Fertilizer chi hrang, organic manure, Green manure, bio-fertilizer te a awm a. Heng urea kan tih te DAP kan tih te MOP te, hengah hian tur an tel nasa em em a, lei pawhin a chelh lo a ni. Mithiam te chhut dan chuan khawvela kan ram tha 40% hi chemical fertilizer in a ti chhe tawh a. Tinung tur hian tan kan lak a ngai a. ( Pu R. Lalzirliana : DAP te kha alo thalo ta hle a. A thlakna tur lam atan engnge hman an tum tih lai a kha, Bawnggek nge, hnimhnah nge ? )

PU H. RAMMAWI  
MINISTER

Pu Speaker, a thlakna tur chu a tam mai a, Pu Speaker vawiinah hian He House information atana ka sawi

duh chu India Sorkar hianin Govt. of India in National Programme for organic production programme fel tak nei a India pawh hi tun hman ang kan ni tawhlo chang kang tak kan ni a ni. Chutah chuan hman la hman nih kan tum a. Tin, kan hriatchian atan organic farming handbook te an tichhuak thar a. Tah hian thil Chiang deuh mai House information atana ka sawi duh chu hmi organic



farming hi kan tih larchhuah, tihlemna, a thalo, a theih loh tihlai hi a theihzia chu India ah hian Chemical fertilizer kan hmang nasa em em a. Hybrid te a variety-ah chuan kan kan hmang ve na chungin, China-ah hian organic farming-in an kal a. Hectare khata an tharchhuah hi India in Quintal 20 kan tharchhuah lai hian Chinaah chuan Bio-fertilizer hmangin hma an la a. Keinin quintal 20 kan tharnaah hian quintal 50 chuang an thar tlat a ni, hectare khatah. Chuvang chuan alternative arrangement tha hi a awm a.

Tin, Pu Speaker, a tawpnaah hian he zawhna rawn zawttu Pu Zirliana hi hetiang awareness a neih avanga, he House-a organic farming sawina hun a rawn hawn avang hian, a lawmnan organic farming handbood leh National Programme for organic production tih bu hi ka present dawn a ni.

PU SAIKAPTHIANGA :

Pu Speaker, ka zawhna ang chiah khan information ka pek kha action, a lak dawn leh dawn loh kha khawngaihin min chhang nghal se a tha ang a.

PU LALHMINGTHANGA :

Pu Speaker, ka Starred Question No.2 zawhna (a)-na Village Development Committee hi khawtinah din vek a ni tawh em (b)-na V.D.C. Member ni tur hian Sorkarin eng qualification nge a phut ? (c)-na Block Development Committee hi Block tinah dinfel a ni tawh em ?

S P E A K E R :

A chhang turin R.D. Minister Pu Aichhinga i lo sawm ang.

PU AICHHINGA  
MINISTER :

Pu Speaker, Member zahawm tak Pu Lalhmingthanga zawhna kha Village Development Committee hi khawtinah din vek ani tawh em tih chhanna chu Village Development Committee hi khawtinah din tura hmalak mek a ni tih a ni a. Order kan chhuah tawh a, tunah hian khawtinah din turin hriattirna kan pe chhuak tawh a, a din chiah erawh chu report kan la dawng lo ani.



Tin, (b) naah khan V.D.C. Member ni tur hian Sawrkarin eng qualification nge a phut ? Sorkar notification No. (b) 11016/30/90 IRD dt. 16.6.2004 hmangin V.D.C. din dan tur siam a ni a. he notification ang chuan District tina Deputy Commissioner ten SDO (C) leh B.D.O. concern emaw be rawnin khawtinah VDC hi an din tur a ni a. Member ni thei tur te chu hengte hi an ni. (1) Village Council member atangin member pakhat (2) Recognised Political Party tin atangin pakhat (3) N.G.O. heng Y.M.A, M.H.I.P. leh MUP atangin pakhat theuh (4) Khua leh tui zinga mi rawn, mi langsar pathum hei hi prominent member kan tih ang chi kha a ni. Chu chu member an ni dawn a ni. Tichuan V.D.C.ah hian Chairman, Treasurer leh Secretary chu V.D.C. Member te atangin Deputy Commissioner in a ruat thin ang tih a ni a.

Tin, zawhna c-na Block Development Committee hi Block tinah din fel a ni tawh em ? tih kha hei R.D. kalphung ah chuan District level Committee an awm a, chung chu neih fel vek a ni a. Tin, Block level committee hi a awm bawk a. Chu chu Block tinah neih fel a ni a. V.D.C. ber ahi kan la neih loh a ni a, hei hi tunah a dinna dan siamin order pekchhuah tawh a ni.

PU H. ROHLUNA

Pu Speaker, zawhna b-na chhannaah khan a Member tur te kha kan Minister zahawm takin a rawn sawi a. Village Council a ni a, tin, a Chairman tur pawhin an order-ah khan ka hriatsual loh chuan thlan tur niawm tak a ni a. Engatinge Village tinah hian Village Council kan nei a, a Chairman a hi a V.C.P. hi Chairman ah kan rin nghal mai loh. Sorkarin mipui aiawh a a khawmiin an thlan chhuah hi Sorkar hian a ring zo talo em ni tih ka zawhbelhna pakhatna nisela.

Tin, Village Council atanga Member pakhat chauh han tih mai kha a aia tam mipui aiawhte Village Council Member te chu han telh mai awm, helaiah V.D.C.ah tih kha kan sawi tel duh bawk a.

Tin, ka zawhbelhna pahnihaah chuan B.D.C.ah hian M.L.A. te hi Member kan ni em tih kha kan zawt tel duh bawk a. A chhan chu B.D.C. an kohah Ngopa leh Khawzawl Block-ah te chuan M.L.A. te hi kan tel ta lova, tunhmain an tel thin niin kan hria a. Chuvang chuanin hei hi kan Minister zahawm takin min hrilh fiah se, kan zawt tel duh bawk a ni.

.....10/-

S P E A K E R

Zawhna neitu Pu Hminga ilo sawm leh phawt ang. Pu Hminga a ding hmasa deuh a chumi zawhah Pu Hiato.

PU LALHMINGTHANGA

Pu Speaker, kan zawhbelh leh zawk ang e. Member tepawn min lo hrethiam ula. Nia kha, din tura Notice pek chhuah tawh a nih thu kan Minister in min hrilh kha. Khami a Notice number lehkha a arawn sawi kha Member te a copy kha min pe thei vek em tih kha kan zawt duh a.

Tin, a pahnihna ah chuan, khami Notice-ah khan hemi V.D.C. te hian engnge ni an function tur? Tin, an terms of difference ti mai ilangin, an hnathawh tur te leh antih tur te leh tih loh tur te a tel em? Tin, alo tel lo anih chuan khami kha Sorkarin siam atum em? Tin, tunlai hian hei Central Sorkar atang ten mipui target bik neia sum rawn kal pek ngai te, tin, pek ngailo tepawh a awm ang a, khatiang kha a rawn kal tam viau mai a. Chung ho implementation agency atan te chuan hemi Village Development Committee te hi India ramah Local Self Government dungzuia Local Bodies an tih lal ang hian tih lalve tumna a awm em? tih kha kan zawt duh a.

Tin, a dang lehah chuan helai Member hi a composition a kha khatiang kha alo ni ta a, D.C. in a ruat ang tih lai a kha, D.C. te hi anihna takah chuan Sorkar hnathawh te an ni a, tumah a mimalin kan va sawisel lova, mahsengin a ruat ang han tih hian, hetah Ministry atanga influence awmin, tilaiah hian Party thil taka Chairman ruat kumnga chhung khan kan experience nasa em em mai a. Chu chu mipui phun nalai ber pawh a ni tlat a ni.

Chuvang chuan engatinge hetiang a Member hrang hrang ruat tawh an nih chuanin, khami tekhan Chairman tur te, Treasurer tur te, tin Secretary tur tepawh an mahni zingah khan an thlan mai loh? a pawn atanga Secretary tih anih phei chuanin Political Control a awm tawh thin a. Chutah tak chuanin ruling Party te an nih loh chuanin, ruling party in khatah khan Commissioner neiin mipuite tana harsatna an siam kan experience nasa em em tawh a. Chung te chu siamthat tumna a awm em? tih kan zawt tel duh a.

.....11/-



Tin, Block Development Committee hi siam peih vek tawh anih chuan entirman ka bialah sawn saw Lunglei Block a awm a. M.L.A. te chu Member niawm tak a ni a, hetah hian. Mahse Member nihna hi hriattir pawh ka la nita chuang lova. Member dangte hian an hre tawh em ? Ka la hre lova, M.L.A. te kan tel lovem ni, kan lotel lo anih chuan min telh leh ngei turin kan Sorkar hi kan ngen duh a. Helai hi a pawimawh ber lai anih tlat avangin. Tin, Block Development Committee siam fel vektawh hova kha, a siam, a formation order a kha House-ah hian min siam thei em, kan lo en ve ang a, tu tu tenge an nih a, engnge ni a composition tihtc kan lo hriat ve theih nan. Kha kha kan zawhbelh a ni.

PU S. HIATO : Pu Speaker, ka zawh tur kha Pu Hminga'n a rawn zawt nual a. Tun hma khan Village Development Committee hi din a ni tawh thin a.

Engvanga tuna tih thar leh ngai ta nge a nih, an lo thu tawh thin a, kha kha a effective lo a hriat nge ni a, engnge a chhan tih kha kan zawt duh a. Tin, Chairman hi D.C. in a ruat ang tih hi a dikin ka hre lova. D.C. tepawh Ministry influence a ni lo thei lova, a ni tur pawh a ni na a, hetianga Member thlan tum anih chuan anmahni khan an Chairman tur hi thlang mai se tih hi R.D. Minister hian ngaihtuahsak dan min neih sak se tih ka duh a, chu chu ka zawhna ni bawk se.

Tin, Prominent Member tihah hian, prominent lo deuh deuh a kan ngaih si, Party in a ngaih pawimawh tlat ruat a ni thin a. Hei hi chu prominent member anih chuan Prominent dik tak, Development pawh vei pha hi ruat theih a ni lawm ni tih ka zawhbelh duh a. Tin, Village Development Committee tepawh nise, an recommend-na te, Plan te, Scheme te fel tak an siam thin a. Mahse an siam hi, helai atanga tihdanglam vek a ni thin a. Hming an rawn pek te, Project an rawn pekte pawh hi helaia duh duha tihdanglam anih avang hian sawta thut te saw a tangkai tur angin a tangkai lova. Tun tuma an siamah hian an Recommend te hi a tlang thei ang em ? Tih danglam zel. Political engemaw a hmanruaah kan hmang leh mai ang em tih ka zawt duh a, hman leh mai anih kha chuan hemi Committee siam tur pawh hi R.D. Minister in a duh ang, a thahnem ngaihna ang hi a hlawhtling lo ang tih ka hlau a ni. Chu chu ka zawhna a ni.

S P E A K E R : Pathum chu a ni tawh a, Pu Zira kha a rawn phar ve leh tlat mai a, a nih a hnuhung ber a tan aw.



PU R. LALZIRLIANA : Pu Speaker, ka lawm e. Hei politics hi a ler telh telh a, a firfiak telh telh ni te pawhin a lang a. Aizawl D.C.hnuaiyah hi chuan BDO te hian MLA te min ko ve ziah a. Kei pawh ka tel ve deuh ziah a, a lawmawm ka ti khawp mai a, V.C. leh khawtlang hruaitu ten MLA te, BDO te sorkar ruat pangngaiin bialah hi chuan a lo chhuak tha viau thin a, a lawmawm ka ti khawp a, amaherawh chu, Champhaiyah khan kan ti leh ang a. Kan Chief Minister hian Pu Speaker lo haw lo sela, rorelna fel leh fai ber kan neihna bial tur anga ka beisei House Leader, Chief Minister bialah khian a tawp khawp mai a. Hmanniah khan kan han kal a. V/C tam takin min lo hmu a, chungtc chuan VDC a an minute an Committee a hna thawh tur an tih reng reng te, Hmeithai in sak tur te kha tiang ang kha a lo chhuah leh chuan tu ten emaw, Project Director hnenah Project Director hovin an thlak fai leh vek a an tih loh lam daih kha a lo chhuak leh thin a ni. Hei hi thil serious tak niin ka hria a. Chuvang chuanin mi an beidawng viau tawh a ni. Tin, D.R.D.A. Governing Board meeting pawh hi an la nei miah lo a ni. Champhai ah khian Aizawla kan neih zat zat chu nei ve tawh turin kan Minister zahawm tak hian hma a lo la thei ang em? tih ka zawt a. Tin, chutiang ang bawh chuan hetiang anga Sorkarin Committee pawimawh tak a ruat te hi an thlanchhuah te hi paih tawh lova sum leh paia lo kal huna First priority a hmang a, an test ang a, chhuak zat zat tawh turin hma min lak sak thei ang em? tih kha ka han ngenin ka han zawt bawh a ni e.

S P E A K E R : Chhang turin Pu Aichhinga R.D. Minister ilo sawm ang.

PU AICHHINGA MINISTER : Pu Speaker, zawhbelhna kha a tam ang reng a. A inang han chhan rual theih te pawh a awm nualin ka hria a. Pu Rohluna zawhnaah khan Chairman VCP hi engatinge kan rin nghal mai loh tih kha a awm a. VCP te hi khawtlang aiawh tura thlan an ni a. Mahse, V/C Development Agency angin R.D. hian a lo hmang thin a, mifel tak tak mi tha tak tak an awm lain khaw tam takah V/C te hi kan thlan dan phungah hian Party a inchuh a ni a. Chuvang chuan, a V/C a pawh hi MNF V/C, Congress V/C, P.C. V/C tih deuh vek mai te kan nei a. Chuvang chuan, an kalpui danah pawhian kawng tam takah fel lohna chin a awm theia a lan avangin Village Development Committee hi siam ngaiin kan hria a.

Tin, R.D. guideline lah hian Block-ahte, District ahte, Village-ahte hian he Development Committee hi a hrana awm vek tura siam a ni a, an guide line ang hian kal lovin V/C te hun rei tak kan lo hmang a, an tha thova. Mahse, tunah chuan chumi guide line anga kal lo thei lo kan nih tak avangin VDC hi term hmasa atang khan siam tumna a awm tawh a, mahse, inthlanhnaih anih avangin kha kha withdraw leh a ni a, tunah term thar a lo nih takah hian VDC hi siam tum a ni a. Chuvangin, a Member siamna turah pawh hian V/C rin emaw VCP anih avanga rin nghal mai a kha, V/C President anih avanga party tin khawtlang inchuhna karah thlanchhuah tena V.C.P. an pek leh mai chuan thil fel ber zawk niin kan hre lova. Chuvangin, a thara siam hi a tlangpuia tha zawka kan kal theihna anih beiseiin hei hi siam tawh a ni a. Tin, V/C Member pawh an tlem emaw an tam emaw an zing atangin khawtinah pakhat chiah lut ve sela, kan ti a. Tin, kha V/C Member kha Chairman nih kher pawh a tha kan ti lova, an mahni zing atangin khawtlangah pa fel tak tak an awm a. Khawtlang hmangaihtu tih tak taka khawtlang tana thawk pawh mi party hrang hrangah party loah pawh an awm thei a. Heng kan thlanchhuah mi kan han tarlan Member awm thei tur kan han tih atang khan D.C. leh S.D.O. leh B.D.O. te nen enhovin a tha ber tura kha an thlangchhuak dawn a ni. Chutiang ang chuan chairman te, Secretary te, Treasurer te kha khatiing atang khan an rawn ruat dawn a ni a. Chutah chuan party anga inrawlh vaklo zawk anga a kal theihna tur kha kan zawna zawk a ni tih kha kan Member zahawm tak ten min hriatpui ula, a thain ka ring a.

Tin, MLA te hi V.D.C.ah hian Member kan ni ta lo em ni tih zawhna kha a awm bawka. Chu chu Pu Rohluna khan a han zawt a, ni teh reng a, kha dan hmanlaia kha tih danglam pakhat mah a awm lova, a hmana kan hman lai dan pangngaia kha a ni a, kan MLA te BDC ah koh loh in awm chuan, kha kha kan BDO te emaw a Chairman te an tihsualah ka ngai a. Chu chu rang takin kan han hriattir ang a, tun hnuah chuan in awmna bial theuh a BDO Headquarters-ah B.D.C. ah hian Member in ni vek, koh vek in ni ang, tih kha kan chhanna ni sela.

Tin, Pu Hminga khan Member ruatna leh kha kha min pe vek thei ang em a ti a. Pe vek thei teh reng ang. Order pawh ka keng a. Nakinah chawlh chung ngeiin pek chu kan tum ang. An function tura kha mumal taka siam vek a ni a. Kan order-ah hian chiangkuang takin a awm vek a. An term tur pawh kum 2 a ni ang a. Memberte Member an nihna atanga kan ban an nih theihna tur laia pawh kha dan leh dun mumal tak siam vek a ni. An function tur pawh mumal taka siam a ni. Nakinah kan rawn pe ang che u in nei vek dawn a. Heng kan VDC Member te hi he an Village Develop na tur Programme engkim siam chhuak tu tura te kha an ni a. An siamchhuaha chu nichina zawhna hnuhnung berah khan heng ho hi pawm zel a ni



tawh ang em tih zawhna lo awma kha, khua atanga plan an rawn siama hi a zawng zawnga tih vek theih a ni kher lothei a, sum indaihlohna avangin priority ah leh VDC ahte an rawn ruahman hi chu ngaih pawimawh ber chu kan tum a ni. Tichuan Village level atangin hetah block level-ah development chitin renga pawh hi rang zawk leh awmze nei zawka a kal theihna turin tunah hian bul kan tan chho dawn a ni a. Champhai biala harsatna kha Pu Zira khan a han sawi a. Hei hi kan lo hre chiah lova. Heng thil bik hi Chief Minister bial anih avanga awm anih ka ring lova. A enkawltuten an tihfel loh lai a awm a nih ka ring a. Chu chu kan rawn enchho zel dawn a ni, tih kha atlangpuiin ka chhanna ni mai ta se, ka chhang kimin ka hria a, engnge chhan loh hlek ka nei em ?

**PU LIANSUAMA** : Pu Speaker, VDP term chung khan V/C lo ni ta lo sela, chung ang atan chuan V/C thar atang khan an inthlang leh zel mai tihna em ni.

**PU AICHHINGA MINISTER** : Pu Speaker, kan tih dan chuan kha V/C term-ah khan entirnan VDC chu kum 2 a ni a. V/C chu kum thum a ni a. V/C term-ah khan lo tawp ta si sela kha Member term kha a tawp ve nghal mai ang a, a V/C thar atang khan Member tur kha an rawn dah leh mai ang, kan ti a ni.

**S P E A K E R** : Le, Starred question No. 3 zawt turin Pu Saikapthianga ilo sawm ang.

**PU SAIKAPTHIANGA** : Pu Speaker, ka zawhna Starred question 3 na hei hi Session hmasa khan ka zawt tawh a. Tihmek a ni tih a nih avangin hei thlariat dawn a kal tawh a, kan zawt nawn leh a ni. (a) Kum 2003 Nov. thla a M.L.A. inthlan lai a Suangpuilawn bial Constituency Candidate ruk bo chungchangah a rubo tute Sawrkarin a chhui chhuak tawh em ? (b) Chhuichhuak tawh nise, tute nge ? (c) Chhui chhuak lo nise, engnge a chhan? tih ka zawhna a ni a. Zawhbelh leh pawh ka tum tawh chuang lova, kan Minister chhanna kha hriat a



chakawm hrim hrim a, he thil hi Mizoramah kum 1954 vel atangin kan inthlang tawh a. Thil la awm ngai miah lo a ni a. Thenkhat sawi danah phei chuan (interruption) ka ngaipawimawh em em a. Hei hi kan politics lungphum hnam angin ram angin a khawih a ka hriat avangin ka rawn zawt nawn leh a ni. Ka zawhna hlui tawh anih avangin.

S P E A K E R : A chhang turin Home Minister  
Pu Tawnluia i lo sawm ang.

PU TAWNLUIA  
MINISTER : Pu Speaker, tuna Member zah-  
awm tak zawhna (a)-na leh (b)-  
na chhanna kha a inang a. Hei  
inrukbo chungchang hi chhui mek  
zel a ni. Tin, (c)-na chhanna chu - Case I.O. in he thil hi a chhui mek  
zel a, a la zo lova.

Tin, Pu Speaker, hei hi thubuai  
kallai, Case Registered tawh leh chhuilai a ni a, kan member zahawm tak  
pawh khan a hrethiamin ka ring a. Kha bak kha chu kan kalzel khan  
fellohna tam tak a awm thein ka ring a. Saitual P/S Case No. 74/03 Dt.  
19.11.2003 kha a ni a. Chuvang chuan uluk a ngai a, a tirah phei chuan  
kan D.I.G. Training in a chhui a, chu chu a report tawh a. Mahsela,  
chiang zawk leh uluk zawka tih a ngaih avangin Saitual-a he case chhui  
tura kan tih Junior Officer pawh kha thlakin tunah hian DSP pakhatin tun  
March thla atang khan a chhui mek a. Chu chu kan I.O. a ni a, a la  
chhui chhuak zolo in report a la luh loh avangin tunah hian la conclude  
theih loh a ni e.

S P E A K E R : Starred Question No. 4 zawt turin  
Pu Sainghaka ilo sawm ang u.

PU SAINGHAKA : Pu Speaker, ka zawhna Starred  
Question No. 4 chu hei hi a ni e.  
(a) Ni 15.3.2004 atanga vawiin ni  
thlengin Myanmar mi hnenah  
Mizoram lo luh theihna turin permit engzatnge pek anih tawh ?  
(b) Sorkarin heng atang hian engzatnge pawisa a dawn tawh ?

- (i) Entry Permit atangin.
- (ii) Temporary Stay Permit.
- (iii) Application form for Temporary Stay Permit.
- (iv) Renewal of Temporary Stay Permit for every renewal tih ani..

S P E A K E R : Chhang turin Home Minister  
Pu Tawnluia ilo sawm ang.

PU TAWNLUIA : Pu Speaker, kan member zahawm  
MINISTER tak zawhna chhanna chu -  
(a) Ni 15.3.2004 atanga vawiin  
thlenga Myanmar mi Entry Permit

Pek te chu mi 496 an ni tawh. (b) Sawrkar-in heng atang hian pawisa  
Rs.1,24,660/- a dawng tawh. Khami sawfiahna atan khan.

- (i) Entry Permit-ah Rs. 49,600/-
- (ii) Temporary Stay Permit ah Rs. 64,400/-
- (iii) Application Form for issue of Temporary Stay Permit ah Rs. 10,660/-
- (iv) Renewal of Temporary Stay Permit chu a la awm hman lo.

S P E A K E R : Starred Question No. 5-na  
Pu Andrew Lalherliana.

PU ANDREW LALHERLIANA : Pu Speaker, ka lawm e. Kan  
Minister zahawm tak A.H & Vety  
Deptt. changtu chhan atan -

- (a) Kawlkulh Pig Firm khi a Scheme (ruahmanna) angin zawhfel tawh  
ani em ?
- (b) Zawhfel loh nise, engnge chhunzawm tur la awm ?
- (c) A Scheme/Project hi sawrkarin hlawhtling a ti em ?
- (d) Hlawhtling lo nise, sawrkarin engang in nge chhawmdawl a tum ?



PU LALRINCHHANA  
MINISTER

Pu Speaker, kan Member zahawm tak Pu Andrew-a zawhna chhanna Chu hei hi ani. (a) Kawlkulh Pig Farm hi a Scheme (ruahmanna) angin zawh fel a la ni lo. (b) Tunah hian tui Supply na turin Rs.39,60,000/- P.W.D. ah fund transfer ani tawh a, Electric supply-na atan Rs. 14,26,842/- Electric Deptt. ah Deposit ani bawh a. Heng hmang hian Electric leh Tui supply hna thawh tur a la ni. (c) A Scheme pumpuiah Central a an thehluh khan Rs. 19.52 crore ruahman a ni a, chu chu a principal in kan rawn pawm an tih laiin a tak a kan han kalpui tak tak a vaibelchhe ruk leh maktaduai nga leh nuai 7 chauh kha min rawn pe leh thei ta si a, chumi avangin a tir a an ruahmanna ang khan thil a kal thei lova, kan beisei ang a manage na kha a kal that theih loh avangin a scheme hi kan tih ang takin a hlawhtling ti a sawi a harsa ta a ni.

Tin, hetiang ang anih avangin a thawktute chhawmdawlna tur hian kawng chi hrang hrangin ngaihtuah chhoh mek zel a ni a, Bank Loan te leh chi hrang hrang zawnpui chhoh mek zel a ni a, tlemazawng puihna kan pe a, a tir anga beiseina kha chuan kan la kal thei rih lo a ni.

PU ANDREW LALHERLIANA

Pu Speaker, kan zawhbelh duh chu - Tuna kan Minister sawi kha kawng tam takah a lawm-awm hle a, chhawmdawlna tura hma an lakna turah pawh a lawmawm hle in ka hria. Thil pahnih mamawh ngawih ngawih a chu, he scheme a kal chhunga beneficiaries ten ei tur, pek tur ang chi kha an mamawh em em mai a.

Tin, a dang lehah chuan a ran man turah khan Vawk vulhna hmunpui ani a, ran kha a pawimawh em em a ni. Khimi te pahnih khi an ngai pawimawh a, ran a awm si loh chuan a scheme kha hlawhchham tur a ni a, kha kha kan Minister khan lo ngai pawimawh thei hram se. Tanpuina, chhawmdawlna tura hmalakna tur a tih a kha Budget ah reflect ngei ani thei ang em ? tih kha kan zawt duh a ni e. Ka lawm e.

PU LALHMINGTHANGA

Pu Speaker, kan zawhbelh duh chu. Local T.V.- ah hian Kawlkulh Vawk vulhna an rawn ti lang a, khatah khan ran awm ho dinhmun han en khan mithiam lo pawhin a then an mit a pual a, a then an damlo a, an cher em em a, han ei tlak tur kha an awm miah lova, kan hmu theuh hlawmin ka ring. Kha kha a chhan ni awm a, khami carbonise va neitu ten an sawiah chuan a Vawk note ho a kha a chi tha chaw bik siam a chutiang ang ei tur chi chu dah an ni a. Amaherawhchu, kha kha sorkar lamin a ngaihtuah leh si lova, bakhik leh changel bul vel leh japan hlo hnahtc a chawm an ni ta a. Chu chu an ngcih lova, chuvang chuan a Vawk a hi an pul zo ta deuh vek ani an ti a, a langchiang em em mai a. Chulai problem chu dawt a ni lo tih kha a langchiang si a, kan sorkar hian a hre reng em ? Khalai kha engtingge sorkarin solve a tum tih kha ?

Tin, a pahnihna-ah chuan, he scheme hi engngemaw a awmia le ? sorkar firm ni ang rengin a lang a, leh lamah a vulhtu mimal thlan a beneficiaries te chuta awm chilh tur ang leh residential kan Chief Minister zahawm takin Piggery Village ang deuh a siam tum ang a sawi kha a ni a, mahse hei a rei ta viau a kum nga chhung pawhin chutiang tak tak chuan engmah a function hrihlo a ni si a. Hetianga pawisa hman zel a, vaibelchhe tam tak khawhral zel ai hi chuan khar mai hi a chawh tawh zawk lawm ni ? tih kha sorkarin engnge a rilru put dan, hlawhtling chuang tur a awm dawn chuang em ni ? Vawiin a kan thusawi hi kum 10 hnu-ah review ni leh ta se la, a la hlawhtlin pawh hi ka ring chuanglo a. Chuvang chuan, khar kha a finthlak tawh zawk lo maw tih kha kan zawt duh a ni.

PU R. LALZIRLIANA

Pu Speaker, Suangpuilawn thil thleng sorkarin a chhui ang lek mai hian tih puitlin tak tak awm lovin a awm ang tih ka hlau khawp mai a, Kawlkulh Vawk vulhna-ah hian zawhna kan zawh ve leh duh chu Vawk engzatnge term hmasa atanga kan buaipui tawh (Vawk-te an dah tawh) khatih ruala kan Vawk vulh chu Inrinni khan 56 inches niin kan hralh der tawh a ni. Engzatnge tunah khian an hralh chhuah tawh ? tih kha ka zawt duh a. Tin, Kawlkulh-II ti a an vuah Sairang-a zu awm ta daih kha engngeni a thlen tawh, a hlawhtling em ? tih kha kan zawt leh duh a. Tin, chhungkua a tirah khan engzat chiah nge awm a, tunah khian engzatnge la awm ? an pung lam nge an tlem lam ? tih kan zawt leh duh a ni. Ka lawm c.



S P E A K E R : Question Hour a tawp a, i belh tawh lovang u. A chhan kha chu thudang ni tasc. Hun a tawp tlat, min lo hrethiam mai rawh u. Hun a tawp na a, zawhna kha a laklawh a, chhan lova a awm kha a dik lovang a, han chhang sela a tha ang e. Pu Lalrinchhana i lo sawm leh ang.

PU LALRINCHHANA  
MINISTER

Pu Speaker, Pu Lalherliana zawhna kha a awm khawp mai a. Kan sawi tawh ang kha ani a. A tira Centrala scheme pek luh kha hetia a rultuten an ei leh bar tur te, ran chaw tur te, ran man tur te, khang zawng zawng hisapa Scheme pek thlak a ni a. Chu chu kan pawmpui che u an ti a. Chumi base chuan thil kan ruahman vek a ni. Amaherawhchu, crore 19 kha kha a ni a. Crore 19 leh maktaduai 5 leh nuai 2. Chutah chuan a tak taka kan har kalpui khan infrastructure, a building leh a hmun buaisaihna ilo leh a tira Vawkte 10 emaw vel man tur bak kha kan ti theilo an rawn ti leh ta si a ni. Chu tak mai chuan harsatna min rawn thlen ta a ni. Chutah chuan a vulhtu tur te pawh a tira an luh dawn chiah khan, hei a tira kan sawi ang kha a nita hauh lo mai le. Central-in an tih dan hei hi a ni ta si a. Hemi condition phung hian ran hi in vulh thei ang em ? tiin kan zawt a ni. A, tih kan han tum ang e, an ti a. Chumi ang phung chuan an lut a ni. Chutah chuan harsatna an tawk ta reng a ni. Department pawhin theih ang tawk chuan puih dan kan han zawng a. Kawng chi hrang hrang dapin, a vawkehaw man tur te leh an ei turte pawh a inhlawh chawpna nen kan han ti tak na a. Beisei anga anmahni enkawl tura ruahmanna kha sum leh pai hmuh a harsa ta em em mai a. Chumi avang chuan an harsa a ni. A dik tak chuan a tir Scheme-ah khanin, Pu Speaker.

Tichuan, khatiang dinhmuna a din tak siah chuan nih leh hei hi a condition tur a ni a, hemi hmang hian henglaia Vawk vulh tura luh hi in inhuam em ? kan ti a, kan huam e, an ti a, tichuan an lut ta a. Chutiang chuan harsatna kha an tawk ta reng a ni. Theih ang tawk tawkin keini pawhin kan han buaipui a. Mahse, a tira beisei anga thil a kal loh avangin harsatna kan tawk a ni.

Tin, hei a tir atanga kal ni sela, a vulhtu tur thlan dan kawngah khan nangmahni ei leh tur leh Ran chaw engkim inthlan a ngai a nia, tih khami condition nen khan a tir atanga inbuatsaih thei kha, ruahmanna inbuatsaih tur a ni a. Chu chu a ni mang si lova. Chuvang chuan khilaia kan han ruahmanna ang hi chuan harsatna khalai thil thleng kha tum ang min tihhlawhtlin sak thei lova. Heng harsatna te hi an tawk a ni tih kha kan tarlang duh a.

Tin, Ran chaw chungchanga phai-  
lam atanga Ran te khu lakluh a ni a. South India atanga lakluh a ni a, tichuan  
kha ranin a mamawh ang chiah chaw kha pe thei sela chu hrisel pawh an hrisel  
zawk mai thei. Mahse, an dinhmun a harsat tak si avangin, non-lapseable pool  
fund atanga he thil hi lo kal a ni a, tichuan Central atangin he fund hi minrawn  
release a ni. Khami hmang khan kan maintain a. Tichuan ran chaw pawh ran in  
a duh ang leh a mamawh ang tak kha kan pe zo tawk lova. Chu chuan ran a ti  
hek a. Tin, hrisel lohna leh natna khilai Ranah khian a thlen a, chu chu kan  
Doctor tepawhin an han enzui a, tichuan theih ang tawkin khang Ran kha an han  
enkawl a. Chutiang chuan tuna Kawlkulh hmuna tihah khi chuan harsatna kan  
tawk a, duh angin a hlawhtling tawko ani tih kha kan tarlang duh a. Tin, khilai  
kan tih phungah khianin, a in leh, a Vawk vulhna tur hmun leh, a bul an tan na tur  
ram kha chu Sorkarin a ngaihtuah pui a, a bak reng reng chu a ranvulh tute kut a  
ni vek a ni. Vawk kha an vulh ang a, chuan a hralh ang a, a man chu an tel ang  
a, a dang an tipung zel ang a, anmahni kutah a awm vek, chu chu a dinhmun a ni  
a, a bul tanna Sorkarin a tihpui. An hmu a, an enkawl tawhnaah erawh chuan,  
an mahni Private kut a ni vek a ni. Chu chu a dinhmun a ni a, tichuan helata  
Vawk an tih chhuah tawh zat leh, hemi dinhmun dik tak erawh hi chu ka sawi  
mai thei lova, a chhan chu, kha vawk hralh dehral chungchangah khan Sorkarin  
mawh a phur tawh lova, an mahni mimal mawh kha a nih tak avangin detailin  
chhinchhiahna kan nei lemlo. Tin, tunah Kawlkulh-II kan tih Sairang ami khu, a  
vulhtu tur te in leh a Vawk in tunah kha an, sak zawh kim a ni tan ta a. Tichuan a  
vulhtu tur te ruahman na, thlanna a kal dawn mek a. Tichuan khutah khu  
chuanin a Scheme-in a tlin chin anga ran tha taka vulh thei tu tur mihring kan  
zawng ang a. Chumi hmang chuanin hlawhtling takin khulai khu kan kalpui ang  
tih kan ring. Chutiang bawkin, Lunglei lamah pawh mi 60, chhungkaw 60 in a  
an vulhna tur hmun hi ruahman mek a ni a, a Scheme mil zelin tun atang chuan  
kan kalpui tawh ang a, tichuan a vulhtu vek vek chuanin a tir atanga an  
inbuatsaihna in a zir ang a, hlawhtling takin thil a kal kan ring a ni e.

S P E A K E R

A lawmawm c, Question Hour a  
tawp ta a, kan List of Business ah  
chuan Laying of Papers tih a ni a,  
amaherawh chu, hei Zero hours

hman dilna Pu Lalhmingthanga hnen atangin kan hmu a. Pu duh tak Mizoram  
Sport Council desolution chungchang hi mipui ti ti tam ber leh hriat chian  
duh anih avangin Zero hour ah sawi min phalsak turin ka ngen a che a ti a, he thu  
hi ngun takin ngaihtuah a ni a, tunlai Mizo thalai ten infiamna lam hi kan  
ngaipawimawh em em hlawm a. A enkawltu ber pakhat Council chungchang hi  
thil pawimawh tak a ni a. Chuvangin Zero hour hman phalsak a ni a. Tunah Pu  
Lalhmingthanga Zero Hour hmang turin Minute sawm hun kan pc ang.

.....21/-



PU LALHMINGTHANGA

: Pu Speaker, Sports Council Resolution chungchang thu hi tunhnaia Mizoram thalaite ti ti nasa ber a ni. Thalaite ngaih pawimawh zawng chu nu leh pa thinlung pawh a khawih zel a. Tin, tunhnai ah Sports Council te kan nei a, reilote chungin Medal kan lak te pawh a pung zel a. National leh International level ah pawh kan thalaite Games items chi hrang hrangah lawmman hmu a sum leh pai la lut te pawh an awm a. Chuti laia Sports Council kan neih hetiang a Sorkarin a ti tawpte thut hi thil paw tak a ni a. Tunhnaia Euro, 2004 khelha an thinlung kal chho tepawh a khingbai em em a ni. Hci Sports Council hi kan hriatsual loh chuan 1983 P.C. Sorkar khan Executive Order a siam a ni a. Tichuan Autonomy nei chiahlo in Sorkar Department te thuneihna tam tak nen a kalchho zel a. Khatiang ang Executive order a siam a a composition-ah khan Autonomy awm loh a, statutory body anih rih loh chuan Sports item hrang hrang a Executive body rawn ni thei te, representative of each recognised state level Sport Associations Member nih theihna te hi a awm lova. A participant te tan a boruak a chep em em thin a ni.

A dawt lehah chuan Sports Council neih loh chuan Autonomy a awm ta lova. Sorkar in politic eng engah emaw rawh telna a lo nei a. Chu chuan Sports interested group a te duh dan anglo in thil tam tak a ti thin a. Sports Council nei turin nasa takin N.G.O. hrang hrang atangin nawrna a awm chho zel a. 2002 kumah khan he House-ah ngei hian a Bill putluh niin 8<sup>th</sup> July-ah lo dinchhoh tan a ni a. Khami Bill an han siam khan a hmalam in kan Sport Association leh mi hrang hrangin Member hrang hrang te Opposition leh Treasury Bench a awmho zawng zawng kha pass ngei turin min ngen a. A Bill kan en khan a phuailuai viau nachungin hei hi I pass ang u kan ramin a mamawh em mai kan ti a, tichuan kan pass ta a. Khatah khan kan sawi kha chu he Bill hi han en ila Desolution siam theihna provision section 26 ah te a awm a. 28 ah te 27 ah suspend theihna te a awm a. Amaherawhchu, a kim tawh lohna chu vawikhat desolve anih chuan re-constitute lehna tur provision hi a awm lova, helaite hi a fello hle a. Amaherawh chu hman kan mamawh tawh si a, dan chu Amendment siam theih a ni a lawm.

Tin, a Rules lamte pawhin khang lam kha an siam ang kan ti a. Tichuan kan pass ta kha a ni a, tunah hian Section 28 na tlawhchhanin 16<sup>th</sup> June-ah khan an rawn desolve ta a. Tichuan Section 28 na hi kan en chuan vawikhat desolve anih chuan a tihnun leh na tur re-constitute kha a Act-ah hian a awm ta silo a ni. Chu tak chu a pawh ta em em a ni. Tichuan cngtizia nge ni ang kan ti a, hemi a Act 28 na Section tlawhchhana an han thiat hian a pumpuinin Minister kha Chairman Ex-officio President alo ni

.....22/-

ta a. Sport Secretary pawh Ex-officio Member a ni a. A pumpui hian in desolve ta a, an in desolve na chhan a an puanah hian Mizoram State Sport Council has not been able to carry out its objective to its satisfaction a ti ta a. Anmahni leh anmahni hian object thleng zo lovah an in ngaiin an inpuang a, a inthiat ta hmiah a ni. Mizoram chuan dan thar a siam leh anih ngawt loh chuan hei hi reconstitute dan pawh a awm tawh chuang reng reng lova. Chutiang khawpa kawng bo chuan kan Sorkarin Sports Council hi a rawn sawisa ta a ni a. Chanchin buah te kan chhiar a, engatinge hei hi dissolved anih kan tih chuan full time Secretary dah a tul a ni tih te kha kan Minister zahawm takin a chhan a sawi kha chu a ni ta a. A lehlamah a objective tihlawhtling thcilo an ni tih lam kha chu a sawi chuango. Amahcrawhchu, a dissolved order leh a dan kan en hi chuan kan Minister zahawm tak ngei pawh kha amah leh amah thiam loh inchantirin objective thleng phalo avanga inpaih a lo ni ta a. Tichuan a bang tur a ni a, a bang tur pawh a ni lo, a in ban nghal tawh a tunah hian. Chutiang chuan a awmlo lo hrim hrim a ni.

Tin, a act-in a phut dan chuan dissolved anih chuan dissolved anih atang khan hemi assets ho zawng zawng te hi council-ah awm tawh lovin an Sorkar-ah an thehlut ang a, a employees hote pawh kha autonomy nei tura honorarium mai hmu tura duan an nih avangin tam tak chu deputation-a lokal an ni a. Khang kha anmahni parents Department-a repatriat leh tur emaw a ni ang a. Tunah hian an lo thu leh ta nghal a, dan ang tak chuan a rem tawhlo leh nghal a ni.

Tin, tuna engemaw function lo siam tura order an han siam leh a an tlawhchhan a danah hianin amendment and recedury matters tia provision, ti ringawt hi chu wrong application a ni nghe nghe a ni. Tin, full secretary hi nei turin ti dawn ta ni ilangin a autonomy a kha a bo leh dawn a. Full Secretary nei tur chuan post create alo ngai ang a. Post create tur chuan Ministry of personnel-ah emaw exam a ngai ang a, finance-ah Sanction tir emaw a ngai ang a, a recruitment ti tur chuan M.P.S.C. ah emaw kallang a ngai ang a. Tin, recruitment rules siam a ngai ang a, tin, ban theih dante leh ban theih loh dan te siam a ngai ang a, chumi tello va mahni in dissolve tawh leh nghalin Minister-in a full time Secretary appoint a tum ringawt mai pawh kha a dan hian khawilaiah mah kawngka a hawng lo hrim hrim a ni. Chuvang chuanin he thu hi tun Mizoram dinhmunah a serious em em a. Tunah hei kan Sorkar te kan puih ve theihna kawng tepawh a awm dah lawmaw tiin Delhi tlangah te kan han dap ve a, Sports lampang a hma kan sawn ve theihna turin. Tunah hian Central tanpuina tur te leh khatiing ang kha pipe line-ah Sports Council ni an execute tur hian Mini-complex, Sport Complex siamna tur te leh thil chi hrang hrang promotion tihna tur anga



kha crore sawm leh panga dawn lai hi Scheme awmsa tepawh a awm a ni a. Chumi lo dawngsawnga implement tur pawh hian a Sports Council kha a President hova a objective thleng zolova an inpuan a anchhia an inlawh tawh si kha chuan engtingge kha kha a rawn kal tak ang le. Chutiang dinhmunah chuan kan ram hi a lo ding ta a, a vanduaithlak em em a ni. Tah hian kan Sorkar pawhin uluk deuhin ngaihtuah ta selangin. Tichuan tunah hian thil awm thei kawng pakhat chauh awm thei nia lang chu a order hi revoke leh selangin. Tichuan a ngaiin Sports Council Constitute tawh hi tuna an dissolve na hi revoke selangin a nung chho leh ang a. Tichuan an term an hmang chho ang a. Tin, khalaiah khan an function naah Ministry lam atang ten emaw tin, a President Minister nibawk lam atang te emaw a thil fel tawklo te a awm anih chuan chu an siam tha ang a. Chuan a term a lo tawp chuan Council dang kha dan anga Constitute chhoh leh a ni ang a. Chumi kawng chauh lo chu kawng dang a awmlo a ni. Miin Court-a a put luh phei chuan engmah neilovin kan awm ngei ngei dawn a. Hei hi a pawl em em mai a. Chumi ngenna chu Mizo thangthar thalai tuna hmasawn mek leh ke pen mek a India ram leh khawvelah pawh hma rawn la sawn awm tan te tan hian khatiang a mumal nei lova han thlen hi a hlauhawm lutuk a. Chuvang chuan Pu Speaker, hei hi Zoram mipuite kan thalai te a bikin, aiawh in waviinah hian kan Sorkar zahawm tak hi he order hi revoke-a ti nung leh turin chu chu a kawng awmchhun a nih tlat avangin ka rawn ngen a ni e, ka lawm e.

**S P E A K E R** : Le tunah List of Business ah kan kal ang a. Laying of papers a ni a. Pu H. Rammawi, Minister for Parliamentary Affairs in The Mizoram Legislative Assembly Members Death Gratuity and Family Pension Amendment Rules, 2004 chu House Table-ah rawn lay sela, I lo sawm ang u.

**PU H. RAMMAWI MINISTER** : Pu Speaker, I phalnain The Mizoram Legislative Assembly Member's Death Gratuity and Family Pension Amendment Rules, 2004 chu he House Table-ah hian ka lay e.

**S P E A K E R** : A copy kha Member tinte hnenah han sem ni sela a tha ang e. Tunah Laying of Papers bawk Pu R. Tlanghmingthanga, Social Welfare Minister in The Orphanages and other charitable Homes, Supervision and Control Rules, 2004 chu House Table-ah rawn lay sela, i lo sawm ang.

**PU R. TLANGHMINGTHANGA MINISTER** : Pu Speaker, I phalna leh remtih'nain The Orphanages and other charitable Home supervision and control Rules, 2003 he House Table-ah hian ka rawn lay e.

**S P E A K E R** : A copy te kha han sem ni sela, a tha ang e. Awle, Presentation of Report a ni a. Reports pali present tur kan nei a. A hmasa berah chuan Report a ni a. June 24, 2004 khan kan Session a hman tur Programme hi B.A.C. in a duang a, chu chu tunah hian House-ah ka rawn present a. A copy kha kan nei vek tawhin ka hria. La nei lote kan awm nual anih chu, kan la sem Chiang chiah lo a ni ang e. A copy kha han sem nise la, a tha ang e. Kan hmu kim ta a, en thuak thuak khan Bulletin-ah pawh kan chhuah tawh a. Kha kha House hian in pawmsak thei mai em ?

**PU LIANSUAMA** : Pu Speaker, sawi min phalsak ka ngen che a. Kan dan hmun hran amiah khan Subject Committee te kan awm hlawm a. Budget Present anih hnua General Discussion zawha Budget Committee hrang hrangte kha thu tur kan ni a. March thlaa Budget Session kan neih khan General Discussion kan nei ta lova. Tun tumah pawh hian kan nei leh dawn lo anih chuan Committee khan kuminah hi chuan awmzia a nei dawn lova. Chuvangin he House remtihna in Committee khan Budget bu zawng zawng min pe tho bawka. Kan kal tur ang khan kal thei ila a remchang thei mai lawm ni ? Chutilo chuan hei thla li atan Budget hi kan pass dawn anih chuan khang Committee pawimawh tak tak te function khan awmzia a nei dawn lo tih ka han sawichhuak duh bawka ni.

**S P E A K E R** : Member zahawm tak Phuldungsei bialtu sawi kha a dik a. B.A.C. thut hma hian Congress Legislature Party pawhin General Discussion hi nei mai



ila tih lehkhah in anrawn ti a. BAC ah chhiarchhuah a ni nghe nghe a. Mahse kan dinhmun hi khirhna lai tak a awm a. Budget taktak a kha kan Plan size kan hriat loh avangin kan nei thei bawksi lova. Chuvangin General Discussion hi chu tun tumah pawh hian neilo mai se tih a ni a. A tawpah Committee khan a ni tak alawm a ti a. Mahse kan Plan size kan hriat hunah chuan General Discussion ah chuan I nei ngei ang u kan ti a. Member zahawm tak sawi ang khan Subject Committee function tur a kha engemaw chen chu a ti thuanawp a ni. Mahse heti tak hi chuan kal hi a remlo a ni tih kha B.A.C. ah ngaihdan kan neih avang khan, hetiang hian kan lo chhawpchuak leh ngawt a. Plan size hriat hunah crawh chuan General Discussion hi ni 2 cmaw tal chu nei ngei turin ngaihtuahna a awm a ni. Kha kha kan dinhmun a ni a, kan inhriat thiam pawh a thain ka ring a, kan pawm tlang mai thei em? A lawmawm e. Tunah chuan Pu Lalhmingthanga'n The First Report of Rules Committee chu House ah rawn present ve thung sela, ilo sawm ang u.

**PU LALHMINGTHANGA**

takah hian ka rawn present a ni e.

Pu Speaker, i phalna leh i remtihna in a Rules Committee in a Report The First Report of Rules Committee hi he House zahawm

**S P E A K E R**

A copy kha sem nise First Report of Committee on Govt. Assurance House-ah present turin Pu D.Thangliana ilo sawm ang u.

**PU D. THANGLIANA**

takah hian ka present e.

Pu Speaker, I phalna leh I remtihna in Assurance Committee First Report he House zahawm takah hian ka present e.

**S P E A K E R**

A copy kha sem leh nise. The First Report of Committee on Subordinate Legislation House-ah present turin Pu Liansuama i sawm ang.

PU LIANSUAMA

Pu Speaker, I remtihna in First Report of Committee on Subordinate Legislation chu he House zahawm takah hian ka rawn present c

S P E A K E R

A copy kha sem leh nise. Kan Business hnuhnung ber Election to Deputy Speaker kan lothleng ta a. Deputy Speaker thlanna atan hian

Dan angin hriattirna tih chhuah a ni a. Nimin July 6 tlai dar 3 thleng khan Nomination File theih a ni a. Chu chu kan Rules of Procedure and Conduct of Business Rules sub-rule 2(8) in a sawi angin Bulletin Part-II NO. 45-na June 28 khan chhuah a ni a, nimin tlai dar 3 thleng khan nomination paper pahnih mi thuhmun tan dawn a ni a. Pu Lalrinsanga, Vanva bialtu MLA chu Pu R.M.Chakma in rawn rawtin Pu R. Khawpuithanga MLA in a thlawp a, chubakah chuan Pu H. Vanlalthaliana, MLA in Pu C. Lalrinsanga tho rawn rawtin Pu K. Lalrinliana, MLA in a rawn thlawp bawka, nomination paper pahnih ni mahse, mipakhat hming thuanghni atanga rawt a ni a. A rawttu te hian Dy. Speaker atan thlan tlin nise, Pu Rinsanga hian a thawk duh ngei dawn tih an tichiang bawka, midang nomination file dawn a ni lova. Chuvang chuan Sub-rule 5 of rule 8-na Rules of Procedure and Conduct of Business in Mizoram Legislative Assembly angin Pu C. Lalrinsanga, MLA hi Dy. Speaker atan chuhtu awm lovin a tling ani tih ka puang a.

Chuhtu awm lova zahawm taka Deputy Speaker tlin tir anih avangin House Member zawng zawngte chungah lawmthu ka sawi a. Tichuan, Deputy Speaker thar kan nei ta a, a thutna hmunah kan House Leader leh Opposition Leader hi a hmel a lang lova, Deputy Leader in khawngaihin han hruai sela, a thuthmunah rawn thlen sela a tha ang e. Deputy Speaker thar chungchangah kan House leader in sawi duh a neiin ka ring a, lo sawm ila, a tha ang e.



PU ZORAMTHANGA  
CHIEF MINISTER

Pu Speaker, ka lawm e. Kan House in rokhawlhna chi hrang hrang te avangin hun engemaw chen Deputy Speaker nei lovin kan awm a. Amaherawh chu,

vawiinah hei a thar Pu C. Lalrinsanga Vanva bialtu kan nei ta a, a lawmawm hlein ka hria. Amah hi Term hmasa ah pawh he House-ah Member a ni tawh a, Legislative Assembly-ah hian mikhuallo a ni a. Chuvang in tha taka min kaihhruaia min kohkhawm ka beisei a, ka ring bawka. Hemi thlan na tur atan hian nominations file a ni a. Kan Opposition unau te pawhin, Ruling party ina proposal nominationa an rawn siam chu keini lamin lo chuh buai pawh a mawi bcr lovang c, tiin hawih hawm takin a chuhbuaina lchi thil dang a hrana vote thlak pawh ngai lovin an lo kian thiam a, an fakawm hlein ka hria a, tihdan mawi tak tho a ni a. Chuvangin kan Opposition lampanga Group hrang hrangte hetah hian lawmthu ka hrilh duh a, lawmawm ka ti a.

Ile House hi Speaker in zahawm tak leh mawi takin min kaihruai a, amaherawh chu, Speaker te hi dam lohna in a tlakbuak ve thei a. Chulo ah chuan hah lutuk a han chhawk te a lo tul a. Deputy Speaker bak chu Panel of Chairmen-in a chhawk ngai te a lo ni bawka a.

Chuloah helai House conduct na kher lovah Speaker Official function thil dangah tepawh Speaker awm loh te alo awm a, atheih loh te a lo awm a, chungah chuan mawhphurhna charge la tur a Dy. Speaker an awm loh chuan rokhawlhna tam tak a awm thei a. Tunah erawh chuan chumi chu hre reingin House-in lungrual taka Dy. Speaker thar Pu Lalrinsanga kan han nei ta hi lawmawm ka ti a. Amah pawh lehkhia thiamna lamah kan mithiamte zinga mi a ni a. Tin, ama mizia leh sakhua conviction leh thil dangah pawh fakawm tak, mi rilru, hahdam thlak tak anih avangin keimahni zingah pawh hian a chhuanawm hlein ka hria a. Chuvangin, vawiina hetiang a Dy. Speaker tha tak kan nei ta hi lawmawm ka ti a. Hemia chuhtu awm lova, thlang tlingtu, zawng zawng, Member zawng zawngte hnenah leh Pu Speaker I chungah lawmthu ka sawi a. He House hian heta tang hian hlawkna tha tak House business transaction-ah leh hemi Speaker awm loh changa a mawhlo lakna chi hrang hrangah hlawkna nasa tak House chauh nilovin Mizoram kan neih ngei ka beisei a. Ama chungah lawmthu sawiin duhsakna sang tak kan hlan a ni e, ka lawm e.

S P E A K E R : Deputy Leader of Opposition kha ilo sawm teh ang

PU SAIKAPTHIANGA : Pu Speaker, hei vawiinah hun engemaw chen he House thar a kal nawk nawk hnuah Dy. Speaker duhawm tak kan nei thei ta hi

Pathian kaihhruaina ropui tak kan dawng niin ka hria a. Tin, amah mimal hi uluk takin term hmasaahte kan lo thlirin, kan lo zir tawh a. La valai tak thangthar te zingah pawh hotu nih tling tak mithiam mi hawiher zau tak Deputy Speaker kan nei a kan lawm mai ni lovin keini Opposition lam, a bikin Congress Legislature te kan lawm tak zet a ni tih hi kan sawi hmasa duh a.

Tin, Mizoramah nichina zawhna chhanna a ka sawi ang khan 1954 bawr vel atangin mipui aiawh thlanna neiin rorelna District Council-ah, U.T. ah, State puitlingah kan lo kalchhovin mipui leh Pathian zarah hun engemaw chen he House-ah hian a mimal ang pawh kan lo tel ve tawh a. He house-a kan kalphung leh mipui rawngbawl tura hma kan laknaah hian hmasawna a nasa hlein ka hria a. Chu hmasawna lo lan thinna chu kan Speaker-te, kan Deputy Speaker ten min kaihruai danin hma a sawn zelnaah he House-ah hian Party hrang hrang atangin Policy te bial te nei hranga lut khawm, chu mite chuan ram rawng kan bawl na tur leh kan ngaihtuahna alo parchhuahna hmun, chulaiah chuan an ngaihtuahna te mipui tana hriattirna kan duhte parchhuahna tur leh thlanna hun tha tak Opposition lam ten kan dawng chho zel pawh hi a tute pawh Ruling nisela, hei hi mipuiin an chhawrin ka hria a. Chutiang hun atan chuan vawiin nia kan Deputy Speaker hi kan Speaker kan rin ang chiah hian keini ho hian kan ringin kan beiseina pawh a sang a ni tih ka sawi duh a. Vawiinah hian kan hotupa han awm se sawi tur tam tak a neih ka ring a. Amaherawh chu, a ai rawn awa a tul miau si a, chung kan sawite pawh chu kan hotupa aiawha sawi ni telin, keini Legislature party aiawh mai ni lovin min pawm sak pawh ka duh a, thui tak sawina hun nilo turah ka ngai a.

Vawiin nia hetiang Ruling lam leh Ruling lo te inchuhna awmlo, lungrualna tha tak neia mitha tak Deputy Speaker kan nei hi lawmawm ka ti a. Tun hma a han inchuh ve hrim hrim te House a kan nihphung han show hrim hrim duhnate a lo awm tawh thin a. Chung chuan ram leh hnam leh mipui rawng kan bawlsaka te tan hnemhnanna a awm lo a ni tihte hriatchhuah zel a ni te hi a lawmawm ka ti a. Helaia Political Party hrang hrang lungrual tak leh lungsi taka amah kan thlang ang hian a ni pawhin Political Party hrang hrang a mite kan nihna angte, a chang chuan lang thin mahse, hun pawimawh leh kan nihna anga rawngbawl naah te amah kan thlanna leh kan duhna boruak ang chiah kha rawn nei let ve tur pawhin kan ngenin kan chah a ni. Amah kan lawmpuina kan hlan nawn leh c, ka lawm c.



PU LALHMINGTHANGA

: Pu Speaker, kan sawi velo thei lova, keini Legislature Party chu next kan ni a. Tunah hian Deputy Speaker zahawm tak leh chhuanawm tak kan han neih tharah leh House in lungrual taka contest pawh ngai lova rilru khat pua kan pawm tlan tak mihring kan neihah hian lawmthu ka sawi a. Chumi rual chuan I hnenah leh House Leader hnenah hian lawmthu sawi tur a awm a. Hmana Deputy Speaker tur han buatsaih hmasakah khan propose deuh hlek an awm a. Keini Opposition lam khan pawl atanga mahni original ticket atanga lo peng tawh, Political turncoat member hi chu chair-a thua min ho tur chuan lungrualna leh thawhchonate a thlen kim zolo ang c tiin kan Opposition Leader te nen kan thlan a, ram tana ngaihtuahnaah mimal inhuatna leh engmah awm lovin ngaihtuahnaah khang kha a mimal inhuatna leh thil dang engmah awm lovin mahse he kan rorelna hi thianghlim taka a kal zel theihna turin leh tradition leh convention tha tak a awm theih nan a hnar emaw kan ni a, chulai chu hre thiamin kan Speaker te leh kan House Leader te leh kan Cabinet ho te pawhin kan ngenna kha min pawm sak in khalai kha a dinhmun a ni a. Tihian hur engnge maw chen chu kha khan Deputy Speaker nei lovin min siam chhova, tunah chuan Pathian remruat in hun a rawn inher a Member te pawh Pathianin hriselna min pe a. Tin, nimin lam atangte pawhin nomination hi file a ni a. Chutah chuan a ruling party atang pawhin Pu Lalrinsanga, Vanva bialtu an Candidate a ni tih kan hriat khan kan lawm em em a. Tichuan vawiinah chuan a takin tumah ina sawisel na pawh awm lovin Legislature Party hrang hrang pawhin a zawnga han pawm tlan theih hi a ropui a ni. In remruatna pawh a fing ka ti a ni.

Amah Pu Lalrinsanga hi a nu leh pa atang pawhin kei chuan ka hmehriat a ni a, mi lehkha thiam thei tak leh politics lama a luh hma pawhin kawng hrang hranga nun han thlir a chhuanawm, hruaitu tling tak a ni a. Hetiang ang mihring lungrual taka kan han thlang chhuak hi a lawmawm tak tak a ni. Kan Legislature Party leh kan party aiawhte pawhin vawiin niah hian lawmthu sawi lo theilo pawh kan ni tih kan sawi duh a. Tin, hemi rorelna chair atanga kaihhruaiah hian Speaker te an pawimawh em em a. Tunah kan Speaker zahawm tak hian hun engemaw ti chhung min kaihruai ta a, hemi kaihruaina ah hian thu leh hla ziktluak leh mumal taka kalpui a ni te hi a lawmawm a. Tin, Opposition lamte pawh kan chanvo tur anga kan han beisei te min han pek a, hetiang a hun min han siam sak te hi kan lawm tak zet thin a.

Chuan tunah kan Deputy Speaker pawh kan House Leader leh kan Deputy Opposition Leader in a sawi tak ang

khan kan Speaker pawh hah changni te alo awm ang a. Tin, tul dang a fehchhuah changte alo awm ang a, theih loh chang te alo awm ang a. Chungah chuan Deputy Speaker hian mawhphurhna sang tak arawn in nghah hun a awmfo dawn a. Khangah khan vawiina lungrual taka kan thlan ang hian a ni pawhin helai rorelna a kaihruai ang hian keini Opposition lama awm tepawh minrawn hriat reng a, kan thusawi tur te leh hun kan dil te, tin, kan thinlunga thil la chianglo awm ang te chung ang hote pawh chu a niin chair lam atanga lungawi tlang taka kan kal theihna tura remruat leh min kaihruai turin thinlung zau a pu ang tih pawh kan ring tlat a. Chuvang chuan amahah hian rinna kan nghat a, a mi kaihruaiah hian Zoram rorelna hian hmasawna ropui tak a siam ang tih kan bcisci tlat a ni. Sawi dawn ilangin sawi tur a tam em mai a. Tikhan kan lawmthu vawiin ah hian sawilo thei kan ni lova, lawmthu kan sawiin duhsakna sang ber kan hlan a ni e. Ka lawm e, Pu Speaker.

PU ANDREW LALIERLIANA :

Pu Speaker, ka lawm e, Pu Lalrinsanga, Member zahawm tak Deputy Speaker tana kan thlang tling hi lawmawm ka ti a. House

zahawmna lamah pawh Speaker tawiaawmin hneh takin min kaihruai ang tih pawh ka ring a, ka lawm hle a ni. Tin, Pu Lalrinsanga hi ka lo hriat ve thin leh ka lo thawhpui tawh a ni a, tun hma lamin zirlai hruaitu te kan lo ni tlang thin a, khang hunlai pawh khan thiante tan thawhpui nuam leh rinawm taka awm thin a ni a. Hei, tun hnaiah Parliament-in dan a siam avanga Minister pathum thlawn a ngaihna kawngah te khan tlawmngai taka thlawna dinhmun kian a ni, tih te kha kan lo hria a. Hmanlai, a thiante tana rinawm tak alo nih thin te kha min ti hrechhuak a. a thawhpuite, party tan pawh chhuanawm tak anihzia alang a. Chuvang chuanin a thian nihna kawngah pawh hian ropui ka ti a. Chuvangin politics tluang taka hei tunah a dinhmun te, Minister te a lo ni chhovin, tunah Deputy Speaker te a lo chhova. Heng politics career tluang tak mai a lo nei chho te pawh hi a phu em emin ka hria a. Mi rinawm, thawhpui nuam a lo nih thin avangin a thawhpui te tan pawh thlamuanawm a ni tih a lang a ni. He House rawn zahawmna kawngah te Member te nena thawh hona kawngah te pawh hian mi thawhpui nuam tak, thiante tan pawha mi rinawm a lo nih thin angin a ni zel ang tih pawh ka ring a. Chuvang chuan helaiiah kan hotu, House-ah pawh min kaihruaitu tur Deputy Speaker a lo ni chho hi thlamuanawm ka ti a, lawmpui awm ka ti a, thian nihna ang pawhin ka lawmpui tak zet a ni tih kha Pu Speaker ka sawi ve duh a ni e.



S P E A K E R

A lawmawm e, in hre theuh a Bilkhawthlir bial leh Vanva bial hi Speaker tih leh Deputy Speaker tih lamah kan luck thei ang reng khawp a. Tunah pawh Vanva bial atangin kan han nei leh a. Kan bialte leh kei pawhin thinlung takin ka lawmpuina ka hlan a. Tunah kan Deputy Speaker thar hian sawi duh a neih angte sawi turin i lo sawm ang.

PU C. LALRINSANGA  
DEPUTY SPEAKER

Pu Speaker leh House Member pui zahawm tak, vawiin niah ka dam chhunga ka hriat reng tur thil ka kovah nghahin alo awm chho ta a, Ka beisei loh leh ka rin phak hauh loh thil a ni a. Kan ngaihtlak ang khan Sorkar laipui dan leh hrai kal zelah helaia Minister siksawi nain a hrin kan ti lo thei lova, Deputy Speaker post ruak hun rei tak hnawhkah loh a awm kha kan hotute duh saknain leh tulna avangin he post chelh tur hian kan hotute duhsakna ka kovah nghahin a lo awm ta a. Chumi rual chuan Democracy a nihna angin Speaker te, Deputy Speaker te thlan a ni thin a, hun kal tawh te kan thlir letin in chuhna pui pui leh so but but lemlo mahsela. Engemaw chenah han in tih nak nakna hi chu a awm thinin ka hria a. Mahse, tun tum Speaker leh Deputy Speaker kan thlannaah hian vanneihthlak hle mai chu chuhtu awm lovin kan tling chhova, Speaker zahawm tak pawh chuhtu awm lova thlantlin a ni a. Kei ngei pawh Pu Speaker I dinglam ami leh I veilam ami ten rual khai takin he nomination filed tihlawhtling tur hian leh he election zahawm taka kan kal chhoh pui theihna turin lungruala thukhat vuain kan kal chho a ni a, hei hi ropui ka ti a, keima mimal tan tak pawh hriat reng tlak niin ka hria a. A lehlamah a phuna lam zawng atanga thlir chuan ka phu hauh lova, mahse, Member zahawm tak tak te helaiah duhsakna mawi taka chuhtu awm lova thlantlin ka nihna zawnah hian ka lawm tak zet zet a. Member ten beiseina sang tak ka laka in neih thu te in han sawi nak nak a, a lawmawm ka ti a. Amaherawh chu, experience neih hi a har ang reng viau a, hun lokal zel turah pawh Member pui tena kan in finchhuah leh kan intawiamna sang tak kha ka beisei tlat che u a. He House hi a zahawm em em a, rorelna sang ber anih avangin, ram mipui te kan mamawh kawng tinreng economy a ni emaw, dan leh hrai a ni emaw, kan ngaihtuah tlanna hmun, hmun zahawm anih avangin, he House Chair la tur pawh hian fin leh fel a ngai hle a, chumi rualin Member te nena intawiamna tha tak a tello anih pheichuan, House tawihhawk tak a chan theih tho bawk a ni. Chuvang chuan helaiah Member ten tianga duhsakna, mifel tak tak an awm kara chuhtu awm lova, thlantlin ka lo nih tak rau rauah chuan, sawi tawh ang khan, in mi tawiamna leh in mi finchhuahna kha, tih tak zetin ka ngen che u a ni. Sawi tur tam tak a awm a, Pu Speaker chu chu ka sawi duh chin ni mai tehsc, ka lawm c.

S P E A K E R

A lawmawm e, wawiinah kan tih tur kan tih zawh hian Deputy Speaker Chamber-ah Member te a remchang apiangin Deputy Speaker

thar lawmna Thingpui in tur a ni e, tih kha ka sawi mai a ni. Wawiin atana kan Business chu kan lo zo ta a, kan chawl rih ang a, naktuk ni 8 July, 2004 zinglam dar 10 :30 a.m. ah kan thukhawm leh dawn nia. Sitting adjourn at 12:25 p.m.

DEPUTY SPEAKER